

Mai ioun Beretitenti

Dieter F. Uchtdorf

Kauoman ni Kauntira n te

Moan Beretitentii



Ti Kona n Noora te Kristo?

Nte tairiki teuana te tibu temwaane e wareka te karaki nakon tibuna te aine ae aua ana ririki ngke e tararake man taku, "Tibuu, tarai itoi!" E ngare ma te akoi te unimwaane man taku, "Ti mena inanon te auti, anii. Akea itoi ikai." Ma te ataei e teima-toa n taekinna, "Iai am itoi inanon am ruu! Taraia!"

E tararake te tibu te mwaane ao, ni mimiina, e nooria bwa e kaonrakeaki te tiiring ma taura aika kiakia. E bon aki nooraki n angii te tai, ma ngkana e uranako te oota, ao ikai are ti tebo ma taraan itoi. E katika matan te ataei bwa e na tarai, ma bon akekei. Ao man te tai anne, ngkana e rinnako te tibu te mwaane nakon te ruu aei, e kona n noora te bwai ae aki nonoria ma imwaina.

Ti a manga roko inanon te Kiritimati ae kamiimi ae kaonaki ma katangitang ao taura, bootaki ni kukurei ao bwaintangira. Ma aomata ni kabane, ngaira aika membwa n te ekaretia aika ti a tia ni katoka aran te Tia Kamaiu ti kainnanoia ae ti na taraa tinanikun te bong anne ao n iangoa te koaua ae moan te tikiraoi ao tamaroan te tai aei n te ririki.

N na rangi ni mimi bwa iraman mai Betereem ae ata te bwai anne ikekei ngkai naba, ae e kaan nakoia, e a tia ni bungiaki te Tia Kamaiu? Natin te Atua, te Mesia ae a maan n tataninga ao ni beritanaki—E mena i buakoia!

Ko uringa te bwai ae taekinna te anera nakoia taan kawakin tiibu? "Bwa e bungiaki n ana kaawa Tawita n te

bong aei ami tia Kamaiu, are te Mesia are te Uea." Ao a itaetae taani kawakin tiibu i rouia ni kangai, "Ti na nako Betereem ngkai, n noora te baere roko" (Ruka 2:11, 15).

N aroia taan kawakin tiibu ni kawai, ti kainnanoia n taekinna inanora, "Ti riai n noora te baere e roko." Ti riai n tangiria inanora. Ti a nako n noora Atuaia Iteraera ae Tabu n aia tabo maan, n te tembora, i aon te maunga, ao i aon te kaibangaki. N aroia taan kawakin tiibu, ti a kukurei ao n neboa te Atua ibukin uotakin rongorongo aika raraoi aika uota te kimwareirei ae korakora!

N tabetai ao te kabanea ni kangaanga ni bwai aika ti kona n noori bon bwaai ake a tia ni mena imoara ni katoa te tai. N aron te tibu te mwaane ae aki noori itoi i aon te tiiring, n tabetai tiaki kona n noora te bwai ae mena i matara.

Ngaira ake ti a tia n ongo te rongorongo ae kakukurei rei ibukin rokon Natin te Atua, ngaira ake ti a tia ni katoka iaora Arana ao n tia ni berita bwa ti na toua Kawaina bwa ana tia reirei—ti riai ni kauki nanora ao ara iango ao n Nooria raoi.

Te bong ae te Kiritimati e bon rangin ni kakukurei n aanga aika mwaiti. Bon te tai ni karaoi mwakuri n akoi ao n tangiriia raora. Bon te tai n tarai riki aron maiura ao kakabwaia aika bon ara bwai. Bon te tai ni kakabwarabure ao ni kabwaraaki am bure. Bon te tai ni kakukureiko n taian katangintang ao taura, bootaki ni kakukurei ao bwaintangira. Ma kakukurein te tai anne

e na aki kamemeerei ara taratara man tukiira bwa ti na aki noora Uean te Raoi n Ana kaintokanuea.

Ti na bane ni karika te Kiritimati n te ririki aei bwa te tai ni kimwareirei ao ni bobootaki, te tai are ti na kakaitau n aron te kakai are E a tia te Atua ae Moan te mwaaka ni Kanakoa Ana Riki Temanna, Iesu Kristo, ni kabooa te aonaaba!

IANGO IBUKIN TE ANGAREIREI MAN TE RONGORONGO AEI

1."A kona mwakuri ni kakukurei ni kabonganaaki ni karikirakea te kukurei ao ni buokiia taan reireinaki ni kabanea riki aia iango iaon atuun te reirei. . . . Tamnei bon bwaai n reirei aika kakawaki ibukin kao-taan te boto n iango iaon te reirei ao ni buokiia naake a reireinaki n teimatoa ni kan ongora" (*Teaching, No Greater Call* [1999], 160, 176). Ngkana ko a moana tibwauan te rongorongo aei, iangoia ni kabongana te mwakuri ni kakukurei n aron kaotakin te tamnei ke tibwauan te boki ae tabu ao n titirakina te utu bwa ana iangoia bwa e kanga ni kaineti ma te rongorongo.

2."Teuana ma ibuakon am kouru aika rangin ni kakawaki bon buokaia tabeman bwa a na kabongnai reirei n te euangkerio n aia kanganga ni katoabong. . . . Buokiia taan kan reireinaki bwa ana ukoukora te kakabwaia are e reke ngkana ti maiuakina te euangkerio" (*Teaching, No Greater Call*, 159). Imwiin tibwauan te rongorongo aei, iangoia bwa ko na kawariia utu aika membwa bwa ana tibwaua aia atatai ae a tia ni karekei ngke a tia ni kabanea aia iango iroun te Tia Kamaiu n tain te Kiritimati aei.

RORONRIKIRAKE

Aia Kiritimati Mitinare

Iroun Loran Cook

Nau kauoua ni Kiritimati n au tai ni mitinare ae bwannin taina, ngai ma toau ti kawara te mwembwa ae e a tibwa bwabetitoaki ma ana utu. Imwiin te amwarake ni Kiritimati n te tairiki, ti tibwaua te rongorongo n te Kiritimati.

Ti tuanga te utu bwa a na koroi tamnein bwaai ake e na kauringiia iai te tai anne, n aron itoi, bwaintangira, bungiakin te tia Kamaiu, ao kaai ni Kiritimati. Ngkanne ti wareki tabeua koroboki aika a tabu, n aron 2 Nibwaai 19:6: "Bwa e bungiaki te teei nakoira, ao e na mwiokoaki bwa e na tautaeka; ao e na aranaki bwa Moan te Raoiroi, Te Tia Reirei, te Atua ae Mwaaka, te Tama ae e Aki Tootoki, Uean te Raoi." Ti anenea "Once in Royal David's City" (*Boki n anene*, nambwa. 205), mataku n tamnein te Tia Kamaiu, ao taekina am koaua iroun Iesu Kristo.

Bon te Kiritimati ni bwaai aika bebete, kitankiia ara utu ao te bootaki ni kukurei ibukin te Kiritimati ae tata-neiai te aba iai, ma ngke ti taekina ara koaua iroun te Tia Kamaiu, I namakina te tangira ae korakora ao te kakaitau Ibukina ma Bungiakina nakon ae I ataia ma imwaina. I ataia ae au kabanea ni Kiritimati n au tai ni mitinare ae bwanin taina nakon Tamau are i Karawa, ma I a kaman ataia ae kona Tamneina ni kakoaua nakou ibukin taekan natina te Mwaane n te tabo ae I mena iai.

ATAEI

Ukoukoria ni Kan Noora te Tia Kamaiu

Etaekinna Beretitenti Uchtdorf bwa n tain te Kiritimati bwa ti riai ni kakaai bwaai aika a na kauringiira ibukin maiun te Tia Kamaiui. Tarai kiibu man booki aika a tabu aika inano n reiakin tabeua bwaai aika riki inanon Maiuna.

Mataio 2:1–2

Ruka 2:46

Mataio 15:32–38

Ruka 8:49–55

Ruka 23:33–46

Ioane 20:11–20



Onimaki • Utu • Buokaki

Tabera Bwa Ti Na Ibuobuoki n te Mwakuri Ibukin Rongorongan te Utu n te Tembora

Kamatebauia te karaki aio ao, n ae e angaraoi, maroroakinna ma taian tiitita ake ko kawariia.

Kabonganai titiraki ni buokiko ni kakorakoraia am tiitita ao ni karaoa te Bootaki n Aine bwa iteran maium ae kakammwakuri.

I nanon taian tienture a mwaiti aomata aika a tia ni mate n akea ataa kin te euangkerio. Tabeman ma ibuakoia aomata aikanne bon am koraki aika a kaan ao aika a raroa. A tatatingai ngkami bwa kam na karaoa te kakaae ae riai n reita ami utu ni kabane ao ni karaoi otenanti ni kamaiu ibukiia.

Angiia tembora n te aonaaba a bon aki rangin n tabetabe. E a tia ni berita te Uea bwa nanomi ana rairaki nakoia taama n te aro bwa te aonaaba e na aki bakataeaki ni kabane n Ana tai n roko (tara D&C 2:2–3).

Iai oin ami kakabwaia ae kam na karekea man ami ibuobuoki n te mwakuri n te tembora ao n rongorongan te utu. Teuana maibuakan aei bon te kuku-rei ae ko namakinna ngkana ko beku ibukiia am bakatibu. Teuana riki ko a kona ni karekea am rekomenta nakon te tembora, are e kakoaua taum imatan Tamam are i Karawa. Naake aki tau n te bong aei ni karekea aia rekomenta a riai ni mwakuri ma te bitiobi ke te beretitenti nte mwaanga bwa aonga n tau n te tai ae waekoa. Taiaoka ni karekea te beeба ni bwaati ae kakawaki aei. I kakoaua bwa te Mwakuri ni

Kamaiu e boni koaua ao bwa a kona buure ni kabwaraaki man te rairannano ni koaua.

Ngkana ti ibuobuoki n te mwakuri n te tembora ao n rongorongan te utu ngkao, ti kakoauaa bwa ti na karekea te Tamnei n anganiira te rau n ara kangaanga ao ni kairi-ira n iango aika kakaawaki. Te mwakuri n te Tembora ao rongorongan te utu bon iteran ara mwakuri ni karekea te kamai-uaki, ke te mwakuri n ibuobuoki, nakoia ara bakatibu.

Julie B. Beck, te Beretitenti ni Kabuta n Aia Bootaki Aine.

Man Koroboki aika Tabu

Maraki 4:5–6; 1 I-Korinto 15:29; 1 Betero 3:18–19; D&C 110:13–16; 128:24

Man Ara Rongorongo ni Kawai

“E taku te Burabeti Iotebwa Timiti, ‘Te kabanea ni kakawaki n tabe n te aonaaba aei ae e a tia ni kawenea te Atua iaora bon ukoukoraia ara mate’ (*History of the Church*, 6:313). Mai moana, taari n te Bootaki n Aine a tia ni boutokaa te mwakuri ae kakaawaki aei. i Nauvoo n 1842, nanon Sarah M. Kimball ni kan buokiia taan mwakuri ni

katean te tembora e kawaekoa te kurubu n aine bwa ana bairei aroia n te aro ae a na kona n nakoraoi riki aia ibuobuoki. Ngke a moanna ni bobotiia, te Burabeti . . . e bairea te moan Bootaki n Aine n ira ana baeten te nakoanibonga. Man te tai anne, taari inanon te Bootaki n Aine a buoka aron te mwakuri n te Nauvoo Tembora. . . .

“N te 1855, wanua te ririki imwiin rokoia aomata Aika Itiaki i Utah, te Auti n Entaumente e kateaki. Eliza R. Snow, are e a tia n riki ngaia bwa kaain te moan membwa n te Bootaki n Aine ao ni kawakin rekooti ibukin te bootaki anne, e weteaki iroun Beretitenti Brigham Young n te 1866 bwa e na riki bwa te beretitenti n te Bootaki n Aine. Ngaia ma tabeman riki titita bon taan mwakuri aika rangin n onimaki-naki n te Auti n Entaumente. Ao, ngke e a tia te St. George, Logan, ao Manti Tembora, a mwananga titita aikai nakon tembora aikai n tatabeua nako bwa aonga ni kona ni karaoi mwakuri ibukiia maate iai.”¹

BWAAI AIKA A NA TARAAKI

1. Mary Ellen Smoot, “Family History: A Work of Love,” *Ensign*, Maati. 1999, 15.

Tera ae I Kona ni Karaoia?

1. N na kanga ni buokii aine n ukoukora aia bakanibu ao ni karoai otenanti n te tembora ibukiia? Iangoa aia kanganga aine n tatabemaniia nako ngkana ko iangoia bwa ko na kanga ni buoka kainnanona. Ko bae n iangoia bwa te mwakuri n rongorongan te utu e kona n anga te korakora nakoia membwa aika boou, aika a oki, ao ake aki kakaonimaki.

2. N ningai ae a tia te mwakuri n te tembora ao n rongorongan te utu n anganai te rau n au kakaewenako ke ni kairai n au iango aika kakawaki?

Ibukin rongorongona riki, nakon
www.reliefsociety.lds.org.